

欽定剿平三省邪匪方略

欽定剿平三省邪匪方略正編卷十四

丙辰年

七月十九日

壬戌

畢沅舒亮奏言

臣

等攻破當陽

東門後賊匪萃集兇徒退保西北半城憑依龜

背山爲巢穴並於高牆之內加厚二三尺密挖

礮眼抵死抗拒

臣

等重賞兵勇親加撫勉與副

都統成德率同文武員弁並帶領荊州鄉勇之

投効監生錢丙曜等督率兵勇由東南進攻西

北我兵一近高牆鎗礮如雨官弁兵勇人人効
命前隊被擊後隊仍直前迎撲且自下攻上排
列大礮轟開牆垣擲火彈火毬焚燒房屋並
用撓鉤纏索多人力拉坍塌倒使賊無處藏身又
以炎風炙日氣候蘊隆恐兵勇不無疲倦

臣畢

沅親加鼓勵

臣

舒亮率領高杞蔡鼎烏爾卿額

六達色程永烈等躬冒矢石指揮直前烏爾卿

額口帶鎗傷尙輕六達色身受鎗傷由右肩穿
過左肩兵勇亦間有傷亡計燬去高牆三十餘
堵焚燬房屋四百餘間鎗斃火燒賊人甚多十
一日直上龜背山賊又憑高死拒十二日四鼓
一擁直進賊見官兵勢猛盡以青色衣服換去
白色號記混作良民希圖逃竄臣等帶領官兵
鄉勇重重圍裹斬馘賊首一千餘級又生擒總

頭目陳德本一名該犯本爲右寨頭目後因總
頭目楊起元被斬馘獻出衆賊推爲總頭目懷
中搜出元戎之印木記一顆統計此數日以來
焚燒斬馘生擒共有三千餘名又奪獲大小礮
二十一位鳥鎗刀子器械旗幟不計其數刻下
城中已就肅清但臣等遍查城內居民房屋完
好尙多城外附近田畝俱有芄茂高粱恐零星

領陝兵一千名前來當陽助剿約計此時已抵
安陸荆門一帶今當陽已經收復無須此兵查
鍾祥賊氛較熾屢據延綏鎮總兵楊秀該縣周
季堂具稟告急倘蔓延下游所關非細臣已飛
札知會觀祥卽帶前項兵一千名就近速赴鍾
祥會同楊秀合力搜剿以期速行撲滅並已札
會永保知照至當陽剿賊之兵數少力疲且該

處及連界之荊州荊門遠安東湖等處營汛久
已征調空虛目下逆匪甫平必須酌留官兵彈
壓控制應俟搜捕餘孽事竣卽酌量情形分派
駐防所有多餘兵力

臣

卽開單知會永保應赴

何處卽令迅速前往再城內民人日內逃出者
不下三四千人均因被賊搜括口糧多致受餓
成病且有隨出隨斃者情形甚爲可憫現在城

中居民間有年輕力壯之人恐曾爲賊拒守此時自應訊明區別辦理其實在難民廬舍蕩然室無顆粒竟有束手就斃之慘臣現在先行煮粥按名給散俟查明戶口卽行撫卹並令各歸本業以免流離失所奏入

上命軍機大臣傳諭永保畢沅明亮曰當陽賊匪戕害官吏占據縣城實爲罪大惡極前經畢沅等攻

破東門後賊匪尙敢逗留守西北半城憑依龜背山
抵死抗拒今畢沅等督率將弁兵勇奮力進剿轟
開牆垣直上山梁層層圍裹斬馘賊首一千餘級
擒獲賊目多名肅清縣治深爲可嘉畢沅汪新成
德舒亮阿克棟阿高杞均著賞給玉搬指大小荷
包其軍營出力文武各員及紳士等已照所請降
旨分別加恩外尙有隨同出方員弁俱著畢沅查

明咨部議叙所有打仗兵丁著加恩賞給一月錢糧鄉勇著賞給一月鹽菜口糧以示獎勵並著畢沅酌量情形將打仗疲乏兵丁留于該處分撥防守其餘有用之兵正可撥往他處助剿成德舒亮阿克棟阿在彼俱無事可辦著卽帶領速赴鍾祥該處現據畢沅奏已令觀祥帶陝兵一千名前往正可協同剿捕至明亮前在孝感剿淨賊匪後卽

行起程此時究抵何處並赴何處剿賊尙未據續
有奏報如明亮已赴惠齡一路卽當速赴該處不
必於途次轉回鍾祥若已赴鍾祥卽應會同楊秀
併力剿賊以期一鼓撲滅至湖廣督篆前有旨令
永保暫署今永保現在帶兵剿捕於地方事務
未能兼顧且亦不能熟習此時畢沅已將當陽
肅清所有湖廣督篆著仍送交畢沅接管一切安

撫難民查辦災賑等事專交畢沅與汪新督率妥辦其湖北軍營調度事宜仍著永保統率辦理以專責成

上諭內閣曰此次畢沅等督率將弁轟開當陽縣城直擊龜背山梁斬賊千餘實屬奮勇可嘉畢沅等除賞給荷包搬指外舒亮著賞給副都統職銜臬司張長庚督率員弁剿捕賊匪並經理軍火糧餉

始終奮勉著加恩賞戴花翎同知謝登雋隨營辦事不辭勞瘁著以應陞之缺陞用事竣後送部引見總兵阿克棟阿新授臬司高杞叅將烏爾卿額奮勇登城剿戮賊匪實爲出力阿克棟阿著賞給年昌阿巴圖魯名號高杞著賞給瑪尙阿巴圖魯名號烏爾卿額著賞給奇徹伯巴圖魯名號署總兵黃瑞副將蔡鼎馬爲錦知府常丹葵叅將什圖

防禦花沙布守備羅入炳六達色攻城殺賊亦屬
奮勇俱著賞戴花翎知州魏耀主簿程永冽把總
陳萬全恩騎尉陳金禮守備侯光耀嚴登榜楊盛
世謝芳旦楊宗周千總雷起輝均屬奮勇出力俱
著賞戴藍翎其餘均著照單開所請分別陞補議
敘

二十日

癸亥

成德惠齡文圖富志那奏言

臣

等自

奪獲張家腦賊卡後賊匪防備愈密將草棚移
蓋石畔暗埋地雷弩箭若非誘令出巢勢不能
痛加殲戮查箐箕壩一處爲賊巢門戶但須將
青草窩楊樹壩二處賊卡奪獲方能再攻此卡
賊匪經官兵屢次設伏剿殺之後不敢出追若
不示之以隙難於得手臣等商定各帶兵勇分
伏青草窩楊樹壩溝內復令協領岱明在綿羊

腦山頂遙看三卡賊匪趨向山前卽放號鎗以

便兩路督兵奪卡

臣

惠齡

臣

富志那督率弁兵

分爲兩翼由張家腦直撲賊巢復令侍衛關騰

等帶兵勇一千名伏于張家腦左右溝內俟

臣

等誘賊出追繞截歸路十一日寅刻官兵直撲

賊巢賊匪悉向山前拒守我兵奮力仰攻殺死

賊匪甚多我兵佯退賊見官兵撤動率衆五六

百人飛奔而下將至山溝臣等卽將號礮施放

關騰等伏兵兩路衝來繞至賊後斷其歸路臣

等隨率官兵回身截殺關騰射死一賊千總張

瑗等砍死執旗賊匪三名官兵衝入賊隊四面

圍住除生擒外餘皆殲斃當山前接仗之時協

領岱明卽於綿羊腦山頂施放號礮臣成德臣

文圖卽率官兵直搶揚樹壩青草窩二卡防禦

珠隆阿千總趙朝珍首先拔開鹿角鼓勇前進
將二卡奪佔卽欲乘勝攻奪笕箐壩而楊樹壩
青草窩二處山溝深澗且與笕箐壩不相連屬
前面陡峻後接賊集荆棘叢石之中俱有賊人
藏匿不便冒險進攻卽就賊卡紮營再圖一鼓
殲擒之計此次殺賊約七百餘名把總陳高龍
衝入賊隊殺賊甚多連受鎗傷陣亡統俟查明

咨部至榔坪賊匪於七月初三日在長陽堡子
里鹿子河一帶焚搶經試用知縣甘慶增帶同
把總張曰愷外委黃遇陞余得勝督同紳士向
維瑛覃自琦等前往堵禦殺賊四十餘人賊匪
退回二十里外之葉家坪佔據現在嚴飭各卡
相機堵禦

同日觀成福寧奏言查旗鼓寒地處高阜山巖

陡削路徑叢雜周圍十餘里賊匪於寨外設立
木城極爲堅固壕溝亦甚寬深欲爲抵死拒守
之計復因官兵節次攻剿緊急賊匪等不肯屯
聚一處恐其巢穴一破無所依恃遂分作中左
右三營以爲犄角且得勝坡馬鬃嶺甘洞橋等
處均與龍山咸豐宣恩三縣毗連竄路旣多防
守更宜嚴密自六月下旬以來天氣晴霽烈日

蒸晒倍形乾燥

臣

等密商必須火攻方可集事

若得有熟悉賊巢路徑之人乘夜進取更易得

手

臣

等卽密諭七品頂戴之滕愛成帶領義民

三十人與前此投出之向清安定邦譚善德並

派素最奮勇之防禦崇喜把總楊富貴帶領滿

漢奮勇官兵先行前進

臣

等定於初五日晚發

兵夜半進剿惟查賊匪木城獨西北一處地勢

較爲險要以爲旗鼓寨兩處應援如欲直搗中
堅必先分賊之勢

臣

等派令候補守備涂應伸

帶領官兵三百名向西北一路進發爲牽制之

計

臣

觀成督率協領蘇勒芳阿等及滿漢屯土

弁兵由紅家堡前進遊擊呂朝龍等帶兵由甘

洞橋前進

臣

福寧督同副將慶溥等鎮臣諸神

保率同遊擊德勝保等從張家嶺大堰坪螺螄

灘等處帶領兵勇兩面夾攻維時崇喜等並滿
漢兵丁五十名隨從滕愛成先已直抵木城把
總楊富貴前鋒哈豐阿馬兵楊祿謝富榮首先
跳過滾溝扒上木城隨將火彈拋擲其餘滿漢
各兵亦俱隨從跳越大隊官兵無不爭先用命
蜂擁而入遊擊呂朝龍等亦已直抵木城隨時
拋擲火彈頃刻火光四燃烟焰騰起我兵四面

吶喊以助聲勢賊匪驚惶無措半被燒斃雖有
捨命搶出向龍山來鳳逃奔者當經

臣

福寧與

諸神保等督飭員弁兵勇奮勇堵截擊殺多名

並生擒一百餘名又見賊匪向西北一帶奔逃

復經守備馬建紀等悉力追殺短刃相接賊匪
形蹤潰亂力不能支隨又殺斃四五百名生擒

二百餘名

臣

等本擬此舉一鼓全除詎料賊人

自首逆胡正中被擒後知賊巢必破又於大木
城內西北隅高岡之上另築小木城一座以爲
官兵攻剿緊急時藏身之所今因焚殺勢猛餘
賊盡行竄入拚命堵禦我兵連次攻撲不遺餘
力因天時暑甚兼以火氣緊逼兵勇喘渴異常
不得不愛惜其力此次所燬賊巢寬長幾及十
里賊勢已萬分窮迫所存止此新紮木城且糧

食斷不能多餘不過苟延殘喘俟稍有布置卽
迅速會剿務期剿除淨盡再此次

臣

探知賊巢

內房屋茅蓬離木城邊均遠數丈若得有內應
之人更易集事當令前此投出之向清安定邦
暗結賊巢之人放火內應准其免罪旋據稟稱
已勾結楊在奇等數十人乘便行事初五日夜
官兵進攻拋擲火彈楊在奇等亦卽在內放火

接應拉雜延燒頗爲得力茲楊在奇等帶同家屬陸續投出下因其尙知悔過自效除遵

旨准其免罪外並卽加以賞賚好爲安插至向清安定邦于投出之後隨同官兵將首逆胡正中堵截擒拏今又暗約楊在奇等放火內應實屬誠心投効可否將向清賞給行營千總頂戴安定邦賞給行營把總頂戴以示鼓勵出自

天恩

福寧又奏言旗鼓寨賊巢匪徒本有數萬之多
其中捨死圖抗者固有而情急思竄者亦復不
少每於昏夜爬山越嶺而逃經各卡兵勇拏獲
正法者無日不有而十九二十等日官兵追剿
時首逆胡正中帶人欲逃餘賊亦乘間潛竄經
官兵尾追截拏殺斃甚多有丁憂巡檢署來鳳

縣典史浦寶光因向前殺賊被戕陣亡

臣等查

逃出賊匪官兵在後窮追轉恐前途道路散漫

易于兔脫當令施南協副將樊繼祖四川都司

冶正恩帶領兵勇抄至前面要隘之板栗園魚

泉二處設卡堵截已於驢馬山地方將賊圍住

又經該副將等屢次擊殺並經署咸豐縣康父

民典史梁脩翹及職員朱訓皐趙錦文生員蔣

士魁等在水塘卡剿殺賊匪數十名受傷者無
數並有附近各處紳士鄉勇設卡堵禦臣等酌

量情形刻下自以趕緊先剿旗鼓寨賊匪爲要

一經掃蕩卽移兵赴彼定可一鼓殲除再據施

南府知府法克晉稟稱各卡鄉勇先後盤獲彭

萬章等據供宣恩縣龍馬山李登敖李登祥等

勾結多人欲接應旗鼓寨賊匪胡正中等語該

府星卽查辦途次接據宣恩縣蘇於洛稟龍馬
山賊匪鳴鑼聚衆羣集胡正華家該縣拏獲胡
正萬等十犯一面審辦探得龍馬山地勢陡險
必須厚集鄉勇方可分路攻剿六月十七日該
府率同宣恩縣蘇於洛恩施縣尹英圖把總杜
連順外委袁廷英等帶領鄉勇三面進攻殺賊
二百餘人我兵齊登山頂將賊巢盡行燒燬餘

賊俱逃至乾崙班竹園一帶蟻聚該處懸巖陡壁較之龍馬山更爲險峻該府購覓平日在彼熟悉路徑之人加以賞資於二十八日引路前進賊匪卽放鎗抵禦該府率同蘇於洛尹英圖杜連順袁廷英武生談鶴齡李蘭春向國升賈緒德指揮兵勇奮力爭先立時殺賊一百餘人焚燒賊巢搶得布旗鎗刀糧食牛隻甚多餘賊

紛紛奔逃追至涼風崗又殺賊三十餘人生擒
覃進黃可方二人訊據供稱龍馬山教頭李登
敖等聚集多人要燒搶宣恩接應來鳳旗鼓寨
賊首胡正中并欲會合長陽榔坪賊匪林之華
等語當卽正法該處賊匪現均於洗河壩坡上
屯聚此時胡正中已獲賊巢被燒無虞接應
臣
等諄囑該府等好爲激勸弁兵鄉勇相機剿捕

倘力量不能卽嚴密防堵俟

臣

等將來鳳賊匪

洗盡後卽可順道剿捕斷不致有延蔓

同日永保恒瑞慶成鄂輝奏言

臣

等克復青潭

後因聞龍門山尙有一起賊匪屯聚

臣

等督兵

向西進發該匪聞風連夜卽逃向紅土山內藏

躲與黃龍壩相隔不遠

臣

思該處賊匪盤踞日

久今不向鍾祥南竄轉奔正西一路潛遁自係

料大兵必由北而南先往鍾祥剿辦則伊等可
藏於北面俟大兵過後另生別計實屬狡詐異
常是以必須趕緊繞道前進截其再向西北逃
遁之路方可剿洗淨盡後路無虞再帶兵前往
鍾祥始可放心

臣

等約于十二三日可抵紅土

山另行設法攻剿又查龍門山在鍾祥之東北
面山勢較大路徑幽窅恐鍾祥賊匪不能南下

將來

臣

等之兵由北而南或賊匪竟向東北竄

出卽係隨州棗陽之境此處亦關緊要

臣

等公

同商議酌留山西總兵德齡將所帶兵一千名

令其督同隨州棗陽兵勇卽在龍門山口一帶

擇要防守不可令其向東北逃逸再總兵楊秀

兵力甚單在鍾祥辦理甚形支絀明亮現由孝

感前往當陽改赴鍾祥亦係順路

臣

永保已飛

札明亮帶兵迅速先赴鍾祥督率楊秀剿辦庶
於事可期有益均奏入

上命軍機大臣傳諭永保觀成畢沅福寧惠齡明亮
曰旗鼓寨賊匪於寨外設立木城刨挖溝濠抵死
拒守經福寧觀成等分帶兵勇直抵木城拋擲火
彈蜂擁而入賊匪驚惶無措半被燒燬半被殺戮
其逃出者亦俱殲斃無遺所辦深爲可嘉觀成福

寧著各賞玉搬指大小荷包其帶兵打仗出力人
員俱著咨部議敘此次打仗兵丁著賞一月錢糧
其協領蘇勒芳阿守備譚公義蘇榮煥候補守備
李光晟殺賊受傷甚爲奮勇俱著以應陞之缺陞
用又據奏該處賊匪多有乘間潛竄者經副將樊
繼祖等帶領兵勇屢次截殺等語樊繼祖著咨部
議敘知縣康又民典史梁脩翺俱著以應陞之缺

陞用職員朱訓皐趙錦文生員蔣士魁著福寧察
看如才具可用卽酌量以地方佐雜等官補用其
盤獲賊匪帶領鄉勇殺賊之知府法克晉著加恩
以道員補用並賞給喀勒春巴圖魯名號知縣蘇
於洛尹英圖俱著以同知知州陞用其餘出力之
把總杜連順外委袁廷英俱著以應陞之缺拔補
又上次投出之同清安定邦此次又暗約楊在奇

於賊寨內放火接應著照所請向清賞給千總頂戴安定邦賞給把總頂戴楊在奇並著加恩賞給外委職銜又已賞七品頂戴之義勇滕愛成此次隨同官兵先抵木城如果始終奮勉卽著以佐雜酌量補用其殺賊陣亡之典史浦寶光等咨部加一等議卹現在旗鼓寨賊巢全行燒燬所存祇有新紮小木城一座賊匪勢已窮蹙不過藉此苟延

殘喘福寧等畧休歇兵力一兩日乘勝進剿自無
難一鼓撲滅卽當移兵前赴榔坪會合夾擊擒拏
賊首林之華奮勉立功又據惠齡等奏痛剿賊匪
連奪緊要二卡所辦亦好所有奮勇撲卡之防禦
珠隆阿千總趙朝珍俱著以應陞之缺陞補其在
長陽堵殺榔坪賊匪之試用知縣甘慶增及把總
外委等俱著惠齡咨部議敘其殺賊陣亡之把總

陳高龍亦著咨部加一等議卹至永保等一路較之畢沅福寧等尤爲兵多將廣龍門山一帶賊匪屢經剿殺不過奔逃潰竄之賊有何難辦乃迄今尙在帶兵追剿且賊匪於初五日由龍門山逃往紅土山而永保此次奏摺係十一日拜發此數日有何事幹尙未直趨紅土山進剿永保等豈竟中道逗留何以如此遲緩且所稱龍門山賊匪向正

西一路逃往紅土山而紅土山係在何處永保等
現由何路進攻並未聲敘明白永保恒瑞慶成俱
著傳旨嚴行申飭至所奏明亮帶領之兵已令速
赴鍾祥與楊秀併力剿辦尙爲得當昨已降旨令
將湖廣督篆仍交畢沅接管此時永保於地方事
務不必兼顧更可專辦剿捕事宜毋得遲延時日
致干重咎

二十五日

戊辰

永保恒瑞慶成鄂輝奏言

臣等因

龍門山賊匪俱向正西紅土山逃竄當卽帶兵繞道前進於梅家高廟紮營查看紅土山在大高頂山下東西北三面俱有高岡周圍低窪處所多係水田賊營佔據高阜其南緊靠大高頂山小路叢雜西通宜城東南直達隨州鍾祥距逆匪起事之黃龍壩最近賊人現於營外各處

安設重卡以爲障護

臣

等先密遣勇幹將弁選

帶兵勇令其連夜繞至大高頂山南各隘口設

伏隨於十四日丑刻

臣

恒瑞等分兵三路

臣永

保隨後策應天明逼近賊卡官兵甫上高岡卽

見賊人分列數隊直向岡嶺撲下勢極兇悍又

於東岡松林內繞出抵死衝突滿漢官兵奮勇

上山迎擊賊匪數隊歸併一路當經

臣

慶成富

成督率施放進步連環直衝賊隊乘勝緊追直
抵賊營層層圍困我兵人人爭先冒險衝擊鎗
箭齊發並一面拋擲火彈施放噴筒火焰四起
賊營中男婦叫號之聲不絕內有强悍賊匪乘
間突出大半被官兵殺死餘各望南逃逸見有
十數騎馬賊人飛奔大高頂一路卽時伏兵鄉
勇齊出從上直壓臣永保恒瑞鄂輝帶領巴圖

魯侍衛並各馬兵極力進追

臣

慶成富成復由

兩旁小路分投攔截賊人進退無路被官兵刀

砍矛刺落澗墜崖者不可勝計內有賊首黃玉

貴脇中鎗子翻身落馬被獲審訊尙能言語據

供在黃龍壩一帶起事衆推爲元帥前聞官兵

進攻青潭知卽日必到龍門山攻剿我恐抵敵

不過商議暫時向西躲避俟官兵去遠再圖復

出滋擾因知紅土山深密連夜搬移想官兵未
必到此不料竟追趕前來剿殺該犯受傷身重
當同餘匪分別凌遲斬梟次日派兵勇於各深
林密箐續行搜出餘匪一百餘名亦皆正法伏
查襄陽呂堰驛迤東百數十里地方以及棗陽
隨州宜城各境內從前寸節屯聚賊匪茲仰仗
聖主鴻福得以全數蕩平沿途察看商賈民人均各

陸績歸來漸次復業

臣

等現擬帶兵竟由鍾宜

交界各山內查探路徑逐一搜捕前進如有潛

藏賊匪卽可隨處掃除順赴鍾祥再與總兵楊

秀等合師會剿

永保恒瑞慶成鄂輝又奏言查巴里坤總兵徐

昭德隨同

臣

鄂輝屢次帶兵遇賊接仗自

臣

等

合兵剿賊以來因襄陽郡城緊要留該鎮帶兵

駐守自五月至今晝夜總在城樓居住不辭勞
瘁嚴密防守河屬實心出力又署襄陽道知府
胡齊崙於安設臺站及輓運軍火糧石一功事
宜盡力籌辦毫無貽誤再竹山縣武生黃富國
襄陽武生劉光獻襄陽縣武舉羅萬年俱會首
領各紳士糾集鄉兵各處搜剿賊匪甚多現隨
臣等每於差遣偵探道路以及賊匪情形俱能

出力至被賊裹去良民內有劉光獻羅萬年素
相識認者卽設法招致深得其用該生等弓馬
俱可若拔補本省營弁洵屬得力有用之人可
否仰懇

天恩如遇湖北各標千總缺出酌量拔補以元鼓勵
之處出自

聖裁

同日永保奏言現在湖北剿辦邪匪鍾祥枝江
來鳳榔坪等處尙未廓清

臣奉

命督辦剿捕事宜何處緊要卽應趕赴何處督辦軍
務正在喫緊之時今署理督篆所有任內地
應辦事件以及兩湖軍需動撥供支並各路派
員安設臺站撫卹難民等事

臣

此時不能兼顧

似應暫令熟手分爲經理方可不致貽悞遲延

查湖廣總督印信向雖在福寧處而一切事務均係畢沅借用荊州鈔關關防辦理畢沅久任兩湖諸凡熟悉承辦兩省軍需以來其支發動用籌撥之款及總局各路派撥辦事之人皆其久經任用是軍需一項畢沅一切胸有成竹若驟歸_臣接手承辦_臣諸事茫如毫無頭緒又不能有往返詳查之暇於事似屬無益_臣愚以軍

楊秀等合兵夾擊將賊首姚之富等拏獲剿淨餘黨並訪查劉之協下落務期弋獲以便再赴有賊處所悉數殲除方爲不負委任

上諭內閣曰永保自剿辦賊匪以來督率調度均合機宜提督慶成總兵富成屢次進剿時帶領將弁兵丁鼓勇前進所向克捷俱屬奮勇永保著加太子太保銜慶成著加太子少保銜富成遇有提督

缺出卽行陞用以示優獎總兵徐昭德駐守襄陽
不辭勞瘁護道胡齊崙亦尙出力俱著加恩賞戴
花翎其單開打仗奮勉之副將凝德叅將長安保
遊擊全亮都司郭起麟均著加恩賞戴花翎前鋒
佛爾卿額把總劉佐清外委高士傑俱著加恩賞
戴藍翎又武舉羅萬年武生黃富國劉光獻俱著
加恩以千總用遇有缺出卽行拔補打仗兵丁俱

賞給一月錢糧

二十六日_已畢沅舒亮奏言_臣等連日督率文

武將弁兵勇人等逐細搜拏並因當陽西路有

玉泉青谿梯子等山爲直接遠安東湖要道日

前肅清當陽縣城時聞有零星餘匪冒死向西

欲圖魚脫_臣等一面飛撥署宜昌鎮黃瑞等帶

領兵勇千餘名追往前途堵截兜拏果見賊匪

一百餘人正在慌張逃遁適宜昌府通判木特
布遠安縣知縣石燼教諭劉琢壁試用知縣朱
宗騰府經歷沈日淑已帶紳士義勇六百餘名
趕至黃瑞等合力圍攻當卽殺斃首逆熊道成
一名卽令立功投出之王之亮及該犯胞弟先
經就獲之熊道德指認僉稱實係熊道成首級
並剖左面曾受鎗傷現有傷痕可驗查該犯與

楊起元陳德本席雲臺爲賊中最惡渠魁今得
臨陣殲戮實堪稱快又鎗斃刀砍五十餘名生
擒六十九名臣等恐尙有竄匿多派將官帶兵
於山谷澗處處窮搜已無遺賊當卽提訊生
擒各犯俱係該縣書役軍犯入教從匪節次打
仗焚殺要犯逐一詢問明確分別凌遲斬梟訖
仍嚴飭東湖逸安荆門等屬各在要隘加意堵

截俾無一名漏越奏入報

聞

欽定剿平三省邪匪方略正編卷十五

丙辰年

八月初二日

甲戌

永保奏言查鍾祥境內屯聚賊

匪甚多

臣

等向南下壓地方遼濶山徑叢雜勢

不能兜截痛剿是以奏令明亮回至當陽卽移

兵前赴鍾祥今接據明亮知會已帶兵行抵荆

州擬於二十四日同總兵德光由荊州起程約

於二十六七日可抵鍾祥是南面有明亮德光

楊秀觀祥等共領兵四千餘名北面有恒瑞慶
成及總兵富成共領兵四千餘名其東北面

臣

前令總兵德齡帶兵一千堵禦今合兵進剿自

應卽令德齡由東北面前進並查有江西派來

防守隨州兵丁二百名現隨德齡堵禦

臣又調

前在棗陽守城之都司王化龍帶兵三百五十

名亦令隨德齡一路前進是東北一面有兵一

千五百五十名西面一帶有漢江阻隔對岸有
鄉勇堵禦惟西北一帶漢江迤東界與宜城毗
連形勢空虛恐賊匪被圍情急復向西北沿江
逃竄

臣

永保因與畢沅汪新會商地方事件行

抵荊門州見南陽鎮總兵阿克棟阿帶豫兵七
百名自當陽撤回稟請調遣又有廣西叅將馬
爲錦帶領廣西兵五百名在河溶駐劄聽候調

撥查榔坪一帶賊匪滋事自應撥兵前往剿辦
但現據臬司張長庚稟稱榔坪賊匪雖衆四路
要隘俱各糾集鄉勇堵禦賊匪不能四出計阿
克棟阿馬爲錦所帶之兵不過一千二百名卽
令其前往榔坪亦不能痛加剿洗臣已面飭該
鎮將將所領兵丁迅往鍾祥西北一帶堵截並
前撤保康防兵三百名一併交其統領由鍾祥

西北流水溝一路進發合力攻剿

臣

與撫臣汪

新將應辦事宜熟商妥善卽趕緊馳回恒瑞慶

成鄂輝之北路計彼時明亮已到鍾祥阿克棟

阿等亦可抵流水溝

臣

等彼此約會同時並進

以期一鼓蕲事

同日恒瑞慶成鄂輝奏言

臣

等前於剿洗紅土

山賊匪後恐竄逸餘匪於附近山內藏匿必須

帶兵分路細加搜捕

臣

恒瑞慶成鄂輝及總兵

富成帶兵分爲三路由西北而南並知會總兵

德齡帶領駐劄龍門山堵禦官兵自東北前進

均於二十三日先後行抵鍾祥交界之青獅嶺

所過襄宜邊界地方各路搜剿藏匿賊匪數起

自數十人至二三百人不等並生擒一百餘名

訊係屢經官兵攻擊竄逸各山內希圖復聚滋

擾訊明後卽分別凌遲梟示查此一帶地方逆
黨盤踞最久時有出沒滋擾凡附近各村民多
遠避今聞官兵搜捕各路肅清皆已回莊歸業
臣等隨處面飭該地方官妥爲撫綏再 臣等差

派弁目帶同熟悉道路鄉勇等偵探鍾祥賊匪
均在該縣境內東北一帶分屯散處 臣等公同

商酌應俟明亮等各帶官兵到齊訂期南北夾

擊四面圍剿方可一鼓掃盡均奏入

上命軍機大臣傳諭永保恒瑞畢沅汪新日永保奏
分路堵剿鍾祥賊匪所辦皆合機宜賊首姚之富
等現在鍾祥永保等務須會合兜擒將該犯等按
名拿獲勿令他竄並查明劉之協實在下落嚴拏
務獲以淨根株至紅土山賊匪經官兵剿淨後附
近山內不無餘匪藏匿今恒瑞等沿途逐加搜捕

剿殺淨盡卽帶兵前抵鍾祥與永保等訂期夾擊而明亮接永保知會已與德光由荊州帶兵前赴鍾祥官兵四面圍剿賊匪自無從逃竄恒瑞等務須倍加奮勉迅速剿辦永保等於殲淨該處賊匪後卽當乘兵威勝勢速赴榔坪一帶合兵會擊肅清地方

同日福寧觀成奏言查旗鼓寨賊勢已蹙正宜

趁此急攻隨於七月十一日率同諸神保慶溥
等帶領屯土兵勇四面攻打賊人木城在高岡
之上坡坎重疊周圍濠溝寬濶又有山溝間隔
我兵超騰跳躍向上仰攻賊匪自知死在旦夕
捨命抵禦鎗礮石塊直下如雨相持數日賊人
傷斃甚多而兵勇被戕者亦復不少十六日寅
刻復發兵進擊臣等臨陣督戰距賊人木城不

過一箭之遠親見將備兵勇人人奮勉爭先指
上向岡旋被賊人壓下者數次且其木城甚堅
鎗礮叠施毫不損動時已未刻不能得手兼以
鎗礮熱透兵勇喘渴臣等萬分焦憤適值大雨
一陣稍解煩暑兵力亦畧舒緩臣等復申諭將
士今日期於必克有不用命者立斬以徇有能
殺入賊巢縱火焚燒者奏

聞獎賞當有把總孫應奉兵丁朱吉如等十人應聲而往孫應奉手執藤牌奮勇先登刃斃數賊朱吉如當將火彈拋擲孫應奉乘勢砍開木城隨即躍入宋吉如等暨千總宋吉典亦隨後搶上

臣等督催虞溥等帶領兵勇一擁而進維時火焰騰起房屋茅棚同時並燃賊人慌亂我兵呼聲動地殺賊不可計數距木城內尙有子城二

道我兵乘勢砍開縱火四起賊猶悉力抵禦頃
刻之間將三重賊巢全行焚燒賊人始欲逃竄
諸神保恐賊首逸出帶領弁兵將田谷敦謝伯
榮奮力擒獲遊擊童寧川擒得首逆胡正中之
師唐貴千總傅廷剛等擒獲楊禹九謝伯周張
萬伯丁寅山覃一祺等共計八名均係賊首賊
目最爲兇惡之犯生擒餘賊二千餘人所有旗

鼓寨賊匪全行剿洗蕩平此次打仗將備兵勇
均爲出力武昌城守營叅將楊治寧向本勇敢
因搶上木城殺賊中鎗陣亡其餘傷亡弁兵照
例咨部卹賞臣等將生擒之賊首田谷敦等逐
一研訊據供習教謀逆起事情形歷歷如繪當
卽凌遲梟示其供詞謹呈

御覽再田谷敦供出從襄陽前至來鳳糾約起事之

王子俊及田谷敦欲往邀約之孫士禹均係陝
西平利縣人現飛咨陝省並行襄陽府查拏究
辦奏入

上命軍機大臣傳諭永保福寧畢沅惠齡秦承恩汪
新曰旗鼓寨賊匪經官兵剿散又築小木城希圖
拒守經福寧等督率將弁兵丁四面攻打砍開木
城一擁直入將賊巢全行焚燬拏獲賊首剿淨餘

匪所辦實屬可嘉福寧觀成除另降諭旨加賞宮
銜外著各賞玉搬指火鐮包大小荷包總兵諸神
保已賞給巴圖魯名號仍著與慶溥各賞玉搬指
大小荷包其餘帶兵奮勇各員弁俱著查明咨部
議敘至所奏軍營出力文武各員已照單開所請
獎擢惟閩摺內把總孫應奉兵丁朱吉如等十人
砍開木城奮勇先登尤爲超衆出力而福寧等未

經列入陞獎單內殊屬漏亦已有旨分別加恩
起擢優賞矣其陣亡之將楊治寧著咨部照副
將例議卹並著查明該員有無子嗣一併覆奏其
餘傷亡弁兵俱著咨部卹賞至王子俊係邪教有
名首犯孫士禹又係王子俊之師該二犯爲傳徒
糾衆滋事首惡非潛回陝西平利原籍卽尙在襄
陽一帶藏匿或與姚之富等同在鍾祥均未可定

著傳諭永保畢沅汪新及秦承恩一體嚴密訪拏務期弋獲勿致遠颺漏網又據獲犯供出之楊子敖陳貴武楊瓏潘成富各犯檢查福寧等所奏摺內俱無下落並著該督等一體留心查拏務獲

上諭內閣曰旗鼓寨賊匪經官兵痛加焚戮後復於高岡另築小木城希圖拒守福寧等督率將弁帶領屯土官兵鄉勇四面攻打奮勇爭先搶上

高岡砍開木城將賊巢全行燒燬生擒首犯多名
剿除淨盡辦理實屬可嘉福寧觀成俱著加太子
少保銜諸神保帶領弁兵將首逆田谷敦等擒獲
亦屬奮勇著賞給喀勒春巴圖魯各號以示優獎
把總孫應奉手執藤牌奮勇先登刃斃數賊兵丁
朱吉如等九人當將火彈拋擲乘勢躍入砍開木
城俱屬奮勉出力孫應奉著超陞守備賞戴花翎

並賞給銀一百五十兩事竣後著送部引見宋吉如著以千總拔補賞戴藍翎並賞給銀一百兩其餘兵丁八人俱著以把總拔補各賞給銀五十兩千總宋吉典隨後搶上木城亦屬勇往著賞戴藍翎此次打仗兵丁著賞給一月錢糧屯土兵丁鄉勇著賞給一月鹽菜口糧用示獎勵其在事出力之遊擊董寧川防禦順德著賞戴花翎千總傅廷

剛左俊郭朝鳴著賞戴監翎都司玉林保守備本
太著賞換花翎知府戴求仁著加道銜知州魯華
祝著加知府銜知縣殷圻著以應陞之缺陞用監
生黃集祐著賞給六品頂戴如果始終奮勉事竣
後另行送部引見所有湖廣督標中軍副將員缺
著額勒金保署理湖北德安營叅將員缺著烏爾
卿額補授荊州滿營驍騎校著海祿陞補用示獎

勵

初四日

丙子

成德惠齡文圖富志那奏言

臣

等連

日進攻笄箕墻賊卡未能得手二十二日卯刻

有賊匪三百餘人直撲青草窩營卡我兵俟其

過溝仰攻時鎗礮齊發並分兩路抄襲賊後殺

斃賊匪一百數十人是夜二更時賊巢山下約

有一百餘人前來口稱願投大營効力殺賊

臣

等查連日逃出被脅之人或三五名或七八名不等均帶有老少婦女此次逃出之人爲數既多又無眷屬殊爲可疑莫若查看情形將計就計諭令爲首逃出之四五人先行進營面訊據鄧立學等稱我等皆係附近良民被張正謨等陸續擄掠上山挑水打柴日夜辛苦早欲逃出因賊卡甚嚴如被拏獲均卽殺死昨見

皇上恩旨投出免死是以拋棄家小相率投首願入

前隊領路攻剿賊巢等語

臣

等察其言語支吾

神情閃爍且旣稱賊卡甚嚴何以率衆能出且

均係強壯之人又無眷口其爲詐投無疑當卽

好言安撫並諭以爾等衆人留我營內可先著

一二人乘夜回巢糾約被脅之人作爲內應當

有二賊踴躍願回

臣

等遣弁將該二賊送出營

卡一面派員將所有之人查明數目帶下山後
盡數細縛搜查身畔果皆各帶鐵尺短刀火彈
硝磺引火之物隨將該賊等逐細研究加以刑
訊始據供稱張正謨劉洪鐸等因月餘以來困
守孤巢欲逃不能與主謀之張宗文商定令我
等前來假作投出願入前隊約定二十四日四
更乘空放火張宗文等卽領人前來奪卡令我

等作爲內應劉洪鐸帶人接應張正謨守寨卽

可乘勢衝出重圍等語

臣

等當將該犯全數梟

示料所放二賊回巢必謂

臣

等墮其術中張宗

文等必來奪卡遂密令侍衛將備等分伏青草

窩左右山溝等處是夜四更時將卡座撤空內

堆柴草放起火光並令兵丁虛放空鎗故作嚷

亂之聲果有賊匪三千執白旗號召黨與千餘人

各執器械由灌灣腦箐箕壩二路下溝卽行飛
奔而上我兵潛伏不動俟其半入卡內號礮一
響關騰許文謨先福等三路官兵鎗礮震天四
面圍剿賊匪驚慌亂竄捨命衝突官兵人人奮
勇殺斃入卡賊匪三百餘人跌落壕溝及火彈
燒死者不可勝計生擒張宗文等六十八名方
青草窩卡相持之際隨有一千餘賊前來接應

臣等督率官兵俟其下至深溝卽一時突出鎗

箭並施賊匪猝不及防當經殺斃無數餘賊退

入巢內時在深夜未便冒昧仰攻卽撤兵回營

當將張宗文等提到審訊實係起意爲逆及爲

張正謨等策應有名賊目但傷重待斃恐稽顯

戮卽凌遲處死餘賊訊無要供均卽梟示此次

陣亡受傷兵勇俟查明照例咨部

臣

等惟有竭

盡心力再行設計以期擒渠掃穴再臣惠齡接

據鶴峯州稟報柳坪賊匪現由建始縣屬之桃
符口擾至山牛坪沿途燒搶距州界僅十餘里

臣已飭令多雇鄉勇在各要隘悉力堵守毋令

一名闖入以待大兵進剿查鶴峯一帶多係改

土歸流之人與長陽歸州巴東犬牙相錯且此

三州縣均無城一可守現在孝感當陽兩處賊

匪已經明亮畢二以等剿淨計可得勝兵四千餘
名若就近分往歸坪相機剿捕自可挫衄賊鋒
又接據施南府屬建始縣趙源生稟稱該縣小
溪溝地方有蕭士明等糾聚夥黨欲圖不軌該
縣聞信會同外委龔宏基帶領紳士義勇人等
前赴小溪溝查拏詎蕭士明等率黨拒捕該縣
與龔宏基鼓勵紳勇上前圍剿殺斃賊目蕭士

儒一名賊殺二十餘名生擒賊首蕭士明黃成
虎章友蕭時鐵蕭士尊及匪夥李三猴子等共
九十五名訊明該犯等習教傳徒欲爲旗鼓寨
榔坪兩處賊匪聲援又於高店子等處擊獲榔
坪賊匪覃其典傳成奇傳成英胡浩楊世芳僧
蕭清等六名訊明或爲賊匪買鹽接濟或出探
官兵消息均屬罪不容誅之犯當與蕭士明等

一併分別凌遲斬梟現尙跟拏逸匪務盡根株
等情

臣

查施南各屬僻處萬山之中與旗鼓寨

榔坪均有山徑僻路可通今蕭士明等膽敢糾
集匪類欲爲該二處聲援該縣趙源生外委龔
宏基會同率領紳勇卽行剿滅尙屬勇往能事
同日舒亮奏言竊

臣

於二十三日起程回荆因

弁兵進剿在外已久器械衣履均需修整添置

暫留一兩日的看賊勢何處緊要卽擬前赴適
接永保等知會以鍾祥賊匪屯聚滋擾必需大
兵厚集併力攻擊

臣

明亮卽帶孝感得勝之兵

自南而北查鍾祥爲武漢荆襄上下聯絡之區
最關緊要現在酌量情形並接永保等知會南
路以及東北均有大兵圍剿西北一路亟需重
兵截擊查宜城之流水溝居鍾祥之上游深爲

西北扼要

臣

所帶河南廣西兵共一千二百名

當令總兵阿克棟阿叅將馬爲錦分起管領行

走聽候調遣茲已准永保知會飭令先行前往

堵截

臣

卽於二十六日自荆起程星夜馳往該

處統領安營與永保明亮等爲犄角之勢四面

圍攻雖賊匪衆多必不能首尾相顧自可悉數

撲滅均奏入

上命軍機大臣傳諭永保福寧畢沅惠齡成德曰惠齡等攻撲賊巢就計剿殺匪黨生擒張宗文等六十八名所辦實爲快意惠齡成德及文圖富志那著各賞玉搬指火鑰包大小荷包以示獎勵此次打仗兵丁加恩賞給一月錢糧鄉勇賞給一月鹽菜口糧賊目張宗文係爲張正謨主謀之人旣被官兵拿獲正法張正謨等更必勢孤窮蹙且所餘

賊卡僅祇五六處無難一鼓撲滅惠齡較前頗能振作務須倍加奮勉乘勝進搗賊巢將賊匪剿除淨盡再邀恩賞至此次賊匪詐行投出其情形可疑之處係何人首先有出並著惠齡等據實覆奏又據奏施南府屬建始縣趙源生等在小溪溝等處將糾夥欲圖接應柳坪之賊匪蕭士明等拏獲尙屬留心勇往趙源生著以同知陞用外委龔

宏基著超拔千總俱賞戴藍翎用示鼓勵至鍾祥
賊匪昨據永保等奏已分投布置派兵四面攻圍
其西北一路兵力較單令舒亮等帶兵由宜城之
流水溝前往堵截今舒亮已帶兵馳赴該處協同
進剿四路俱有官兵賊匪自無從逃竄現據惠齡
等奏榔坪賊匪尙在山牛坪一帶滋擾亟須剿捕
永保等務將鍾祥賊匪剋期剿淨以便移兵速赴

榔坪合兵會擊擒獲賊首林之華肅清長陽一帶
地方方爲妥善

初六日戊寅永保恒瑞慶成鄂輝奏言竊臣永保

自荆門州馳回大營臣恒瑞慶成連日密差幹

弁帶同熟悉路徑之鄉勇拏獲在外哨探賊匪

逐一訊問據稱鍾祥縣西北之草湖從仙觀東

北之長壽店一帶俱有賊匪分屯鍾祥之界鄧

家岡地方尙有一起賊匪防備北來官兵今賊衆聞南北俱有官兵亦思竄避但尙未有定向等供

臣

等正在分布堵禦一面擇路進兵詎鄧

家岡逆匪於二十五日午刻竟糾衆分撲大營

臣

等飭令各營弁兵整備因山路叢雜溝壑甚

多易於抄繞後路一面密遣侍衛德勒克依等帶領奮勇馬兵分路設伏又添撥遊擊徐登弼

都司李英多鄂起麟等帶領直隸山東鎗兵防護糧臺少頃賊衆分爲三股至大營西南對面山岡排列直前漸進又有兩股由東南山溝潛行抄進欲繞大營之後

臣

永保等督率將弁兵

丁不動聲色以逸待勞逆賊蜂擁而來逼近營盤兇猛異常俟其將近我兵鎗礮齊發立時打斃多名賊人仍前撲近濠邊意欲跳越我兵箭

射矛刺拋擲火彈點放噴筒將賊匪全行殲斃
而東南山溝賊衆乘西南兩面賊夥撲營之際
卽繞至後路直撲糧臺經涂登弼等督率弁兵
鄉勇用鎗礮連環擊打並點放噴筒火彈轟燒
賊匪不敢直撲復向西北抄襲臣永保恒瑞慶
成鄂輝及總兵富成等各帶官兵向北分路截
殺賊衆見官兵衝追紛紛敗逸其撲營之賊因

傷多退敗大營兵及糧臺文武弁兵見賊敗逃
俱卽出營追趕道路崎嶇溝岡接連賊力疲乏
又經馬步官兵前後極力擊殺殲斃殆盡生擒
頭目王先震等十一名賊黨一百餘名嚴加審
訊供稱此股賊目爲鄢廷才向在鍾祥北界屯
聚今聞官兵由宜城南下隨將眷口向南歸併
賊夥鄢廷才自帶手下人意欲極力堵禦不期

被官兵痛加殲戮等語當卽正法梟示又棗陽
縣鄉勇頭人武舉羅萬年穀城縣武生王邦寧
因各帶鄉勇竭力殺賊受傷陣亡情屬可憫可
否量予

恩卹之處出自

皇上天恩

同日永保鄧輝奏言榔坪賊匪盤踞日久蟻集

鳴張近據臬司張長庚稟稱周圍雖有鄉勇堵截因無官兵剿辦匪徒得以苟延設或四出擾害辦理又覺費力

臣

等現入鍾祥邊境剿捕不

能分兵前往殊深焦急惟查枝江賊匪業經官兵將要卡攻克逼近賊巢若能及早殲除惠齡等可以移師先往榔坪剿辦但惠齡等兵力稍單賊匪負隅抗拒急切未能集事

臣

等正爲籌

計適接明亮咨稱自孝感撤回省城兵六百七十名聽候調遣又查漢黃一帶近日均極寧謐省城原有存城兵七百餘名畢沅又自當陽撤回督標官兵足資防範其孝感撤回並黃州現存之兵既無他用臣永保一面飛咨督臣畢沅並札飭藩司祖之望速行調撥卽令原領將備由彼迅速帶赴枝江統交惠齡處幫同協剿添

此兵力自能尅期竣事

同日明亮奏言竊

臣

行抵鍾祥縣境沿途察看

民情聞知官兵到來無不欣喜以爲有恃無恐

至城西隔有襄河官兵陸續過渡必須兩三日

方能齊集隨留德光在河東催渡

臣

卽先入城

鎮定民心城內居民均爲安貼詢據地方官吏

俱稱賊匪屯聚在城東北兩面約離城六七十

里三四十里不等永保等大營現在該縣北界

卧牛山下張家集地方

臣

卽嚴飭總兵楊秀觀

祥等於要隘處所加意堵截俟官兵到齊卽當

相地紮營與永保等會剿務期一鼓蕩事均奏

入

上命軍機大臣傳諭永保惠齡明亮曰鍾祥縣北界
賊匪撲犯大營被官兵痛加剿殺賊匪勢已挫敗

明亮現抵鍾祥與總兵楊秀觀祥相地紮營尅期會剿永保等帶兵自北而南明亮德光等自南而北前後夾擊四路圍繞賊匪無從逃竄自可一鼓蕩平至總兵楊秀在鍾祥防堵賊匪所帶兵力無多於明亮等未到之先尙能防守嚴密不令賊匪他竄尙屬可嘉楊秀著加恩賞戴花翎以示獎勵此次在鄧家岡隨同官兵打仗之鄉勇頭人武舉

羅萬年武生王邦寧因殺賊受傷身故俱著咨部
加一等議卹又據永保等奏將黃州駐守及孝威
撤回省城之兵令原領將備帶赴枝江統交惠齡
處幫同協剿所辦亦妥昨據惠齡等奏已將詐降
賊匪乘機剿殺賊勢益就窮蹙所餘賊卡無幾今
又得此兵力更無難乘勢直搗賊巢惠齡倍當奮
力進攻掃平賊寨擒拏賊首張正謨等就近速赴

祥縣地方盤踞賊匪甚多連絡分屯於九里岡
長壽店等數處今聞大兵有南北進攻之信各
頭人商議分爲南北兩面迎敵等語當將該犯
等正法一面差人繞赴鍾祥探聽明亮等信息
明亮適抵鍾祥並繪圖商酌必須南北分路圍
攻方不致逆黨詭逸他處臣永保等今紮營在
賊之西北劉家灣其正北可通棗陽之路卽派

總兵德齡帶領山西陝西官兵前往馬家集一

帶堵剿

臣

恒瑞帶領西安滿營並廣西官兵赴

東北大洪山隨州交界之張家集一路堵剿西

北沿江可通之路派侍衛烏什哈達帶領兵勇

在流水溝地方防堵當卽知會明亮酌於賊匪

之南面緊要處堵剿擇路進攻

臣

永保等現已

一面飛差幹練弁兵帶同熟悉道路鄉勇分投

往探俟明亮等將南面一帶布置停妥臣等卽
知會各路官兵直前圍攻併力剿洗以期一舉
集事奏入

上命軍機大臣傳諭永保曰永保奏官兵已入鍾祥
境內探明賊匪屯聚處所分路堵剿披閱所進圖
內東北西北一帶俱有官兵堵截其東南一帶並
無進剿之兵殊未明晰鍾祥賊匪聞有大兵進攻

之信自必向官兵堵截未到之處乘間竄逸今永保於正北東北西北等處分兵堵剿正南雖有明亮等帶兵在彼而東南一路地面空濶並未分派將領帶兵堵禦設賊匪見永保等帶兵進剿追趕緊急由東南逃竄至京山一帶豈不又至蔓延卽云知會明亮於賊匪之南面一帶酌量緊要處堵剿亦應將南面及東南各處熟籌布置會同明亮

於圖內一併粘簽呈覽庶可一目了然乃永保等
尙未布置妥協率行繪圖具奏竟似南面及東南
一帶置之不議殊不可解倘明亮亦帶兵由鍾祥
赴永保一路會合則正南東南竟至無人堵禦且
總兵德光舒亮阿克棟阿等現在何處帶兵堵剿
圖內俱未粘簽聲說永保等何竟疎漏至此均著
傳旨嚴行申飭現已用硃筆標識著將原圖發交

永保等閱看並著將現在東南一帶如何布置堵剿另行詳晰於圖內貼簽呈覽毋得再有遺漏

臣等謹案楚北教匪勾結滋事肆竄靡常其巢穴盤踞之所大率多在山梁陡險路徑叢雜之地苟堵截稍疎一遇官兵接仗賊匪卽可乘間逸出滋擾它處此次永保等奏到分路剿攻鍾祥賊匪情形繪圖呈

覽當蒙

皇上指出以北面既有冬兵堵剿而正南東南一帶
並未布置妥協降

旨嚴飭

諭令詳籌另辦越三日而明亮果有南面地濶兵單
之奏亦以南北兩路均分停妥定期夾單爲
請正與先期

指示符合仰見

聖謨遠照於地勢軍機洞如觀火非

神明其德者孰能與於此哉

同日

上又命軍機大臣傳諭永保明亮曰明亮旣前抵鍾
祥接到永保咨會自應將南路及東南一帶派兵
堵剿之處詳悉兵交何以未據奏到明亮務須妥

爲籌畫分派將領於南路東路各處要隘地方嚴
密堵截毋得稍有疎懈再前此舒亮與阿克棟阿
已帶兵馳赴宜城之流水溝協剿而本日永保等
奏到圖內流水溝一處係派烏什哈達在彼駐劄
則舒亮阿克棟阿現在究於何處堵禦永保此次
摺內何未提及著傳諭永保明亮將以上指出情
節詳悉覆奏

十四日

丙戌

明亮奏言

臣

自抵鍾祥待官兵過渡

時卽親帶數人先赴賊營南面一帶細加踫探

見賊蜂屯蟻聚東南自溫峽口西北至于弓嘴

依山紮營相連數十里賊之北面有永保等九

千餘兵分三路追剿無虞北竄南面則近潯郡

城東界京山縣西達襄河袤斜百餘里在在緊

要

臣

前准永保等咨到已奏明令

臣

分正南東

南西南三路堵剿惟是

臣

帶到官兵祇二千名

又經永保派來楊秀觀祥所帶官兵一千五百

餘名業已守住上門冲要路斷難撤動卽合歸

一處共計兵不滿四千若逐段分置地濶兵單

臣

遍察地勢祇可擇其要隘於隣近府城之馬

家山殷家河兩處渡口酌撥官兵堵禦兼派鄉

勇協助以壯聲勢城內有總兵彭之年叅將廣

福帶領兵丁五百餘名已足守禦惟查土門沖
地方窄嶺峭坡四面水田回繞與賊營相離六
七里近在對面最爲扼要賊匪屢撲楊秀觀祥
營盤希圖佔據萬一稍有疎虞必致南擾郡城
西竄襄河更費周折是以臣將帶來之兵於楊
秀觀祥兩營之前添設三營幸設營以來連獲
勝仗稍挫賊鋒惟是賊衆鴟張地方遼濶若照

永保前奏舉行將來北面三路大兵下壓東南
一帶無重兵堵剿賊人情急竄逸在所必有永
保等在北面一帶爲岡嶺所隔未能盡悉南面
情形臣愚昧之見以現在形勢而論莫若將南
北兩路官兵均分停妥訂期夾擊使賊匪不能
避重就輕自可一鼓撲滅臣現已二劄永保總
期計出萬全慎重進剿以期迅速蕩平

明亮又奏言

臣

連日親自跣看賊勢見賊人移

營九里岡沈家集等處近逼土門沖營卡甚形

猖獗並據總兵楊秀觀祥稟稱兵力甚單難以

抵禦初二日晚德光催促官兵到齊初三日

臣

卽同德光率領官兵前赴土門沖相定楊秀等

營盤之前險要山頭添設三營詎賊匪先於是

日辰刻率三千餘人直上土門沖將楊秀觀祥

營盤圍攻又趁勢分隊越過山岡焚搶附近村

莊逼近糧臺經楊秀觀祥督率官兵分投抵敵

鎗礮並發擊斃三四十人

臣

亦帶兵趕到令德

光帶領副將九十百祥遊擊馬斌分爲三路先

奪據前面山岡截斷賊勢

臣

督率巴圖魯侍衛

西安馬兵衝殺鎗箭傷斃數十人賊疑我兵預

有埋伏驚駭奔逃

臣

隨同德光率領官兵四面

裏殺殲斃甚多餘賊惶恐皆緣山脚冒死退回
復有騎馬賊數十人爲賊後殿經侍衛墨新生
擒副頭目一名衆兵拏獲賊匪八名時天已向
晚水田路徑難行且設營未定不便窮追卽令

撤回初五日

臣

催令兵丁將新設三營溝壘趕

築齊全初六日卯刻賊匪復蜂擁前來約有四

五千人分爲四路直上山岡衝撲營卡

臣

當卽

飛飭各營奮力抵禦一面親率弁兵在賊匪東
面一帶山岡首先截擊相度賊人來路隨派德
光同觀祥等率領各營卡將弁兵丁併力合剿
又恐賊匪見官兵排列山頭或斜趨山麓撲搶
糧臺因派叅將羅廷弼率兵在衆山之尾專候
堵禦以護糧臺賊人見東面一帶官兵奮勇遂
先撲西南一營楊秀等見其將次近營卽率官

兵衝出營盤又經東北營德光觀祥等突出橫擊大加截殺賊匪力不能支退據山岡復犯中

營

臣

親率巴圖魯侍衛等越過山梁飛馬抄截

各營官兵見

臣

迎擊倍加奮勇殺斃賊匪百餘

人乘勢追剿賊人情急希圖踰溝逃竄經我兵向下施放鎗箭殲戮數十人生擒十七名賊始從岡後退回復繞道趨東北一帶山岡從後犯

西北一營

臣

隨令羅廷弼就近帶領官兵由山

腰大路先趨山背令兵蹲伏以待賊匪意官兵

不能兼顧直上山巔猝遇伏兵倉惶潰亂羅廷

弼率兵盡力下壓鎗矛並用傷斃甚多追至山

脚

臣

見中隔水田泥淤徑滑對面樹木叢雜賊

營復有接應恐墮詭計且自卯至申我兵上下

山岡竭力殺賊亦覺疲乏因令撤回至兩次打

仗我兵受傷三人照例咨部生擒賊匪二十六人除從賊焚搶訊無辜及供者當卽正法外其張家瑞劉開坤二名審係領旗副頭目現飭道府等細加研訊賊寨情形並劉之協姚之富等下落後再行辦理

同日福寧觀成奏言竊

臣

等連日將旗鼓寨生

擒之男婦二千餘人逐一查訊內習教爲逆抗

拒官兵者一千七百餘名悉行正法遠近民情
無不同聲稱快其應行緣坐家屬五百餘名口
照例解部辦理此外並非習教久陷賊中者一
百餘人候

旨遵辦又連日派出搜山間有一二零匪亦俱擒殺
無遺地方極爲安堵隨卽帶兵向驢馬山進發
途次接據諸神保稟稱該鎮到後卽帶兵痛殲

逆匪現在賊人退至三堡嶺黃柏園屯聚該鎮

緊追剿捕等情

臣

等卽星馳至彼查看地勢賊

人盤踞之處極爲險峻下臨深溝陡坎懸崖曲

折而上兼之路途叢雜必須出奇設伏方可制

勝隨於七月二十八日戌刻派令副將樊繼祖

等帶領兵勇向三堡嶺乘夜進發派鎮臣諸神

保遊擊樵勝保等帶兵伏於黃柏園山溝左右

覘賊動靜又派候補副將孫起龍候補遊擊靳
文銓等帶兵在於各要隘處所堵截兜擒臣等

率同副將慶溥何元卿協領蘇勒芳阿候補叅
將呂朝龍防禦崇喜等往來策應維時樊繼祖
等向三堡嶺仰攻施放大礮並砍伐樹枝茅草
縱火焚燒衆兵齊聲吶喊而進黃柏園賊匪驚
見火光又聞礮聲大作恐三堡嶺有失齊往趨

救^臣等卽督同諸神保等帶兵搶上黃柏園山

梁將守護賊巢匪徒痛加殲戮并將賊人窩巢
山棚全行燒燬頃刻之間烟焰燭天一面帶兵
向三堡嶺剿殺鎗箭所到斃賊甚多樊繼祖等
亦已帶兵扳援而上直進三堡嶺賊巢兩面夾
擊賊人知無生路抵死抗拒我兵奮勇上前刀
矛並舉賊人積屍滿地時交丑刻勢不能支始

紛紛潰逃從山坳小徑而竄被我兵追殺及滾
巖跌斃者不可勝計所有兩處賊巢俱已焚洗
淨盡祇因徑路分岐黑夜進剿間有從山溝僻
路四竄免脫者臣等當派諸神保樊繼祖分兵
追捕又派何元卿等抄截擒拏雖山深谷邃易
於藏伏現據官兵到處搜捕諒亦無從逃逸再
查來鳳一帶實爲邪教之藪此時屯聚賊匪雖

已剿除誠恐竄伏之徒將來再行煽惑必須趁此兵威嚴行擒捕務盡根株以肅地方而安民
業均奏入

上命軍機大臣傳諭永保福寧明亮曰昨據永保等奏官兵已抵鍾祥分路堵剿所繪圖內於東南一帶如何派兵布置並未聲明當卽降旨嚴飭今據明亮奏鍾祥北面永保等帶兵九千有餘分路追

剿而正南東南西南三路明亮等祇有兵三千五
百名逐段分置地濶兵單不敷堵剿所計甚是果
不出朕所料永保前經派令總統湖北軍務於一
切調度機宜自應通盤籌畫計出萬全方爲不負
委任今進剿鍾祥賊匪僅於正北西北東北各路
派兵堵截而南面及東南一帶地勢遼濶祇有兵
三千餘名焉能堵截嚴密且用兵之道下壓之兵

其勢甚易直前追趕賊匪自無暇旁顧卽兵力稍
單儘可乘勝追殺至堵截之兵必須四路分布兜
裹嚴密方可絕其去路悉數殲擒今永保等以九
千有餘重兵由北面追壓賊匪而南面一帶堵截
之兵不滿四千該處地方空濶賊匪被官兵追捕
緊急必由東南乘間竄入京山各處豈不又致蔓
延永保祇知擁兵自衛竟不計及剿賊全局似此

心分畛域卽恒瑞等已不應出此況永保總統軍
務之人尤不當自占地步實屬有負任使永保著
嚴行申飭恒瑞慶成鄂輝俱著傳旨申飭至鍾祥
南面及東南一帶未經派兵堵截明亮所奏自係
實在情形並非推諉且明亮摺內稱已將南北兩
路官兵均分停妥各情形札商永保現在明亮永
保俱在鍾祥境內相距甚近永保等接到明亮知

會其如何分兵前往布置堵截之處自應迅速奏聞何以未據奏到亦屬遲緩此時惟有將南北兩路官兵均分停妥卽領兵六員南路祇有明亮等在彼亦應於北路酌量分派一二人前往會同剿辦方可得力永保等務當悉心妥酌使各路聲勢聯絡併力合擊俾賊匪無從竄逸以期迅速肅事若此旨未到之先賊匪竟從東南一帶竄逸永保

白思當得何罪又明亮在土門沖地方兩次剿殺賊匪所辦可嘉明亮等所帶兵力無多賊匪見官兵在上門沖紮營兩次攻撲實屬可惡經明亮督同德光楊秀觀祥合力奮勇分路埋伏叅將羅廷弼乘賊匪遇伏潰竄卽率兵追壓殲斃甚多彭之年在鍾祥竭力守禦均屬奮勉明亮及德光楊秀彭之年觀祥羅廷弼著各賞玉搬指大小荷包以

示獎勵打仗出力兵丁著賞給一月錢糧現在明亮一路旣兵力不敷分派亦不必速行進剿惟當於該處緊要地方嚴爲堵截使賊匪不致向南逃竄卽屬明亮之功俟與永保商定添派兵將分路堵截速行訂期四面合擊將賊匪殲除淨盡方爲妥善又福寧等剿殺驢馬山賊匪焚燒賊寨情形覽奏嘉悅福寧觀成等因旗鼓寨逸賊在驢馬山

藏匿卽督率鎮將帶兵分路進剿賊匪聞風卽退
至三堡嶺黃柏園屯聚復經福寧觀成等統兵焚
燒賊寨將該處賊匪殲戮淨盡並於附近山谷搜
捕餘匪所辦俱好福寧觀成諸神保慶溥樊繼祖
何元卿著各賞玉搬指大小荷包其傷亡兵勇並
著咨部賞卹此時福寧等當乘官兵勝勢將驢馬
山餘匪悉行殲擒後卽赴榔坪一帶奮力剿捕務

將賊首林之華拏獲殲淨餘匪肅清地方此爲最

要